

溧陽縣續志卷六

武備志

兵制

嘉慶十一年經制額兵二百九十八名各官坐馬十匹  
官馬三十三匹

十九年裁撥馬兵一名步兵四名

道光十二年裁步兵二名守兵四名十八年裁撥河標

右營戰兵一名守兵二名

案乾隆四十六年至道光十  
八年共兵二百八十九名乾  
隆三十七年添撥馬兵一十一名營冊則云一十二名  
又乾隆四十六年裁守兵九名改為養廉營冊則云五  
名多寡互異兵燹後無案可稽自嘉慶十九  
年後營冊所載不無參差特存疑以俟攷云

咸豐十年溧陽不守兵丁散失城復後於同治四五兩

溧陽縣續志

卷六

武備志 兵制

一

年兩江總督李鴻章檄營先後招補馬步守兵一百五  
十二名又於同治十二年至光緒元年節次購口馬十  
八匹

光緒十七年以前實存馬兵十八名步兵三十名守兵  
一百四名共兵一百五十二名尚有缺額未補兵一百  
三十七名官例馬十匹兵戰馬十八匹

各兵月餉銀視原數發八成馬戰兵每名一兩六錢步  
戰兵每名一兩二錢守兵每名八錢本營官仍在江甯  
藩司庫領給

營署在南門外教場演武堂咸豐十年並燬於兵

汛地

夏橋等十汛營房捲篷墩臺均拆毀無存

兵事附

道光二十一年英夷陷鎮江調溧陽兵防江大兵復郡城全師而還

咸豐三年二月乙酉粵逆洪秀全陷江甯據之丙申及戊戌連陷鎮江揚州溧陽戒嚴三月經略大臣向榮躡賊至江甯賊已入據城榮營於鍾山扼賊東南路溧陽辦軍需始此

六年六月十九日粵逆自東壩犯溧陽翼長明安泰擊敗之賊由大山口遁去

十年三月二十一日粵逆復自建平犯溧陽總兵魯占

鰲戰不利退保城守知縣尙那布都司徐龍彪守西門千總熊德守南門縣丞俞棣守北門典史張埰守東門教諭徐杏儒守西水關二十三日城陷均死之同死者副將陳凱旋參將梁成貴遊擊劉某龍彪子雲驤占鰲被執大罵不屈鬻割死逆酋僞侍王李世賢據溧陽同治二年我師復蘇州旋下宜興侍賊僞佐將吳人傑密投降賤三年二月初二日提督郭松林帥洋鎗頭目李恆嵩戈登至溧陽之渡濟橋侍賊出拒敗欲入城城賊不納侍賊遁  
初三日郭松林整軍入城復溧陽